

LATVIŠU TAUTYS MEIKLIS



Salasāja Rēzeknis Tierdzeibys školys audziekni

Sakōrtōja Tekle Miglinik

Izdāvā Ed. Kozlovskis

Rēzeknē 1915

Prīškvōrds

Šōs meiklis salasāja, pateicūt baz. N.Rancāna pyuļom, Rēzeknis Tierdzeibys školys audziekni:

A.Aļzins, J.Apšiniķis, G.Brikuļs, J.Belinskis, J.Bekers, O.Bekers, P.Cymanskis, J.Garajs-Joņs, K.Gļaude, J.Gabrāns, E.Kroičs, S.Kovalenčičs, J.Kroičs, S.Kalva, D.Lizdiks, J.Laura, J.Logins, P.Mozumačs, R.Malnačs, P.Muran, J.Opyncans, A.Ozoliņš, D.Pujats, J.Pušmucāns, J.Pundurs, O.Rancāns, V.Romyslovs, U.Ruduks, A.Salmanovičs, O.Staleidzāns, T.Safronovs, J.Studyns, M.Skruļs, G.Sylovs, L.Škinčs, G.Škapars, S.Švekers, A.Strupišs, V.Smočs, K.Sondors, J.Trasuns, D.Vasaraudžs, V.Vysockō, J.Zelčans, J.Zeltiņš, J.Zeile, J.Vāvers, V.Roskošs, J.Vaivods, A.Broks, P.Rudzišs,

— nu Latgolys draudzom:

Bieržim, Baltynovys, Bieržgaļa, Bykovys, Borkovys, Cyskodim, Drycānim, Josmuižys, Kaunatys, Leivōnim, Preilim, Prezmys, Rogovkys, Rēzeknis, Sarkanim, Sternenis, Viļakys, Veļōnim i Varakļōnim.

Vysi ti, kam dōrga ir myusu senču osprōteiba i gudreiba, ilykta šymōs meiklōs, teik laipni lyugti, jō zynomys jīm bjš taidys meiklis, kaidu tā nav, lai pastōsta tōs augšōk mineitōs školys audzieknim, voi atsyuta jau saraksteitys iz školu. Taidā veidā varās sakraut par kaidu laiku vāļ daudzi jaunu meikļu.

Tekle Miglinīk.

Nu izdevieja

Šys dorbs, kai radzams nu j-dzes T.Miglinīk prīškvōrda, pīdar mýsu jauneibai i ir, tai sacāt, par pyrmū jōs pamata akmini tautys dorbā.

Prīceigi ir rādzāt, ka Rēzeknis Tierdzeibys školys audziekni nas jaunus kūpeigus spākus sovai tautai par lobu i, atzeidami myusu literaturys strōdnīku tryukumu, stōjās pi tō dorba, kur eistyn paleigs irā vajdzeigs, par kū jīm pikreit nu Latgalīšim lela pateiceiba.

Gerāsīm, ka pyrmī meikļu laseitōji nalikš šō teicama pasōkuma molā, a strōdōš tōļōk myusu tautys dryvā, spardami — kū tōļōk, tū drūsōkus sūļus iz prīšku.

Lels gūds ari kreit šōs školys prīškvōrds, kuri dora iz sovīm audzieknim lobu īspaidu i mōca mīļōt sovu dzimtini.

Meiklis

- 1) Kas rej kai sunš, dzīd kai laksteigola i nav radzams?
- 2) Moza, moza gūtená, gords, soldons pīnens.
- 3) Kas vysu pastōsta bez mālis, izrunoj bez volūdys?
- 4) Ni rūku, ni mutis, vysim ceļu rōda.
- 5) Moza, moza bōbená, symts golvys autu.
- 6) Malns, a na ūglá; ai roгим, a na viersš; skrīn spōrnūs, a na putyns; zámi rauš, a na vepris.
- 7) Bucai div goly, ni spuņdis, ni topys.
- 8) Īmauts zyrgs gaisā verās.
- 9) Lels moza napanas.
- 10) Kod mozs, ai četrom stabuļom; kod izaug lels, kolnus veļ; kod nūkaun, ai kungim bazneicā it; kod vacs palīk, tod suni kaulu naād.
 - 11) Četri brōli vītu taisa, vīns viņ atsagulst.
 - 12) Zīmu gūtená, vosor ágleitá.
 - 13) Pylna laktená boltu visteņu.
 - 14) Plykīs Meikuls aiz sōnkaulá pakōrts.
 - 15) Plyks it bazneicā, kraklu nas ozūtī.
 - 16) Kas skaistōks pec nōvis?
 - 17) Ūzuls ai divpadsmit zorim.
 - 18) Apleik azars, vydā gunšgrāks.
 - 19) Vīnā bucā dīveju sortu ols.
 - 20) Bolta pilš, ni lugu, ni durovu.
- 21) Četri brōleiši zam vīnys brileitis.
- 22) Akminá kōjis, kūka vādars, cysu capurá golvā.
- 23) Lōčš stōv, zornys kuš.
- 24) Vīna zūštená ai četrim dagunim.
- 25) Kas navar ni mōtis pyura izcylōt, ni tāva jūstys salūcāt?

- 26) Leidaka maun, tauki piļ, meži leikst.
- 27) Zamu lads i viersā lads, leidaka pa vydu skraida.
- 28) Zeļtenš it pa sātmalá molu, vairōk beistās gailá na kai suná.
- 29) Divejom mōtom pa pīcim bārnim, vysim bārnim vīnaidi vōrdi.
- 30) Pilš stōv iz pīcim stūpim, gaspažená prīcojās, jumpravená bādojās.
 - 31) Tīsys veirs leiku dagunu.
 - 32) Kod it, tod šņōc, kod stōv, tod zvīdz.
 - 33) Vīnam komulám septeini caurumi.
 - 34) Peilá azarā, ástá iz molys.
 - 35) Keiselš regžiņōs.
 - 36) Divejis pupenis vysu pasauli apsiej.
 - 37) Ragažoja mōtá, opoly bāрни.
 - 38) Četri brōleiši pa vīnu ceļu skrīn, tys tō navar dadzeit.
 - 39) Divpadsmit kōju, ai mugoru pa zámi staigoj.
 - 40) Sausīs Stopōns tōli spļaun.
- 41) Siermu golvu pa mežu staigoj.
- 42) Pīcys kazenis vīnu skaudzeiti grauž.
- 43) Symts karaveiru, vysim zeida capureitis.
- 44) Kod izaceļ, tod lelōks par zyrgu, kod nūzalaiž, — mozōks par zvierbuli.
- 45) Nūcārt golvu, izjem sirdi, dūd dzárt — dzer, līk runōt — runoj.
- 46) Četrys mōsenis cītumā, pīkta it glōbtu i patá teik vydā.
- 47) Zīmu kraklā, vosor kažukā.
- 48) Kod iz mežu it, tod iz sātu verās, kod iz sātu it, tod iz mežu verās.
- 49) Sorkona peileitá iz boltys kōjenis stōv.
- 50) Boltu pajem, malnu atdūd.
 - 51) Bolts kai snīgs, a nav snīgs: soldons kai mads, a nav mads.
 - 52) Gailš sād kaļnenī, zalta pīši kōjenī.
 - 53) Kvāpu kuleitá, kaula kostucenš.
 - 54) Mežā dzimš, mežā audzš, atīt iz sātu par saimineicu.

- 55) Kas nūzamožgoj ni upī, ni azarā; nūzaslauka ni austā, ni mastā?
- 56) Veju, veju, taku, taku, pōrskrieju augstu kolnu, nalaužu sāv golvu.
- 57) Mōtā rasna, meita skaista, dāls nūgōja iz dabasim.
- 58) Dzeļža teirums, kūka ežys.
- 59) Vīnam strodam septeini bārni, kotram bārnām sovaids vōrds.
- 60) Divi vylki grīžās, bolts ašnis tak.
- 61) Atskrin putyns tīvu garu dagunu, kas jū nūkaun — tys sovu ašni izlej.
- 62) Tīsys veirs bez mālīs.
- 63) Tāvs šyupelī, dāls karā.
- 64) Sorkons gailš zam zāmis dzīd.
- 65) Dzeļža cyuka, pokulu āstā.
- 66) Bogots saiminīks, lela gūvš plotim rogam, zalta nogim.
- 67) Bez cierva, bez kaplā, bez rūkom, bez kōjom, tyltu taisa.
- 68) Jauns trauks vyss vīnūs caurumūs.
- 69) Četri brōleiši vysim bōrdenis atpakaļ.
- 70) Bez rūkom, bez kōjom iz vādara šliuc.
- 71) Vīns soka, ka maņ zīmu labi, ūtrs soka — maņ vosor labi, trešs soka — taida maņ zīma, taida i vosora.
- 72) Kod ilīk, tod rykōs, kod izjem, tod kimūsūs.
- 73) Napaspāja zyrga aizjiugt, jau āstā gaisā.
- 74) Vysi lik, vysi lik, ni vīns sova napazeist.
- 75) Ap vīnu ceļmeni divi pīpeitis.
- 76) Vīnam vieršam pīcys ōdys, kas tōs ōdys plieš, tys gauži raud.
- 77) Divi mōsenis par ceļu dzeivoj, vīna ūtrys narādž.
- 78) Divi ŗaizis dzymst, ŗaizi mierst.
- 79) Divi vylki stōv, treša lopsa doncoj.
- 80) Gailš pūdā, dzeļži vard.

- 81) Kunga sveita bez veilis.
- 82) Doncoj, doncoj i pazakar.
- 83) Galis bucená, dzeļža steipená.
- 84) Tīvs i gars īkreit zōli i narádz.
- 85) Vīns soka pastōvāsim, ūtrs — patácāsim, trešis soka pazaleigōsim.
- 86) Vactāvam rūka satyukusá.
- 87) Sausa áglá par vysu pasauli.
- 88) Nosta pyuš, nesiejs napyuš.
- 89) Vysys grādys izrevātys, trejs viņ narevātys.
- 90) Vacmōtá aiz ceplá aizkryta.
 - 91) Pymijam gostam spylvyns zam golvys.
 - 92) Lela sāta bez gailá.
 - 93) Divpadsmīt zūsu vīnu guļbi perej.
 - 94) Cik dabasūs zvaigžņu, tik zámī caurumu.
 - 95) Īlōps iz īlōpa, odotys ni dyuruma.
 - 96) Maná vysy gaida, kod atejmu, tod globojās.
 - 97) Bolts pologs vysu pasauli apklōj.
 - 98) Trokīs veirs ai trejom kōjom skrīn ai vieju pa vysom mōjom.
 - 99) Sorkona gūtená, ostru ásteitá.
 - 100) Saleicš, sakrupš vysu teirumu apīt.
- 101) Vierša ōda sasōleita.
- 102) Iz golvys īt bazneicā.
- 103) Plyka mīsa cauri speid.
- 104) Četri ustobā, ostoini ōrā.
- 105) Kas dorōs nadorams?
- 106) Kō navar pi sīnys pīslī?
- 107) Žyda pierdukná madu dzer.
- 108) Kūka garums saulis narádz.
- 109) Zalta dzirkklis azarā.
- 110) Lopsa sylu izdoncōja, pasilī atsagula.

- 111) Zūsš klīdz patiltī.
- 112) Gailš loktā, zornys zámī.
- 113) Kō Dīvam nav?
- 114) Mozs, mozs pūdenš, gorda, gorda bareibená.
- 115) Zalta cyba azarā.
- 116) Krīvs dūbī, bōrzda ōrā.
- 117) Kō navar par ustobu pōrsvīst?
- 118) Kas karās nakarams?
- 119) Kas aiz mālis pakōrts?
- 120) Divi mōsenis pīnā mozgojās.
- 121) Paklōts bolts pologs, pībārts zierņu; tū zierņu vydā īzataisiejš peirāgs ai roгим.
- 122) Symts symtā, pušgroša jumtā.
- 123) Kas pi lūga daīt ni plaukst, ni grab?
- 124) Kas meikstōks par spylvynu?
- 125) Kas gordōks par madu?
- 126) Malna gūvš zāmi laiza.
- 127) Vacīs tāvs rykom grīž, vacō mōtá drupynoj.
- 128) Žyds murmulš zalta krāslā sād,
- 129) Symtačš skaudzi mat.
- 130) Mežā dzimš, mežā audzš, izskriejš iz teiruma aizaviekš.
 - 131) Meikļu kienensš leikom kōjom.
 - 132) Vacō tāva peipá aiz lūga.
 - 133) Čygana zyrgs ai kōjom iz augšu.
 - 134) Spanš nūsleikst, pasainš palīk.
 - 135) Malns zyrgs, sorkons brauciejs, zalá vara pōtoga rūkā.
 - 136) Mārgu nūvádá, krāslys palyka.
 - 137) Vysi kungi spylvynūs guļ, vīns viņ iz akminim.
 - 138) Cik Reigā krāmu, tik munam vucynam īvainōjumu.
 - 139) Malns kai valns, skrīn pa gaisu, a na putyns; ūrbās zámī, a na svōrpsts.
 - 140) Kai zyrgs zvīdz, kai mārga doncoj, kai dīnys boltums, kai

nakts malnums.

- 141) Vidzemis lōceitš tārauda bikšom pa zāmi staigoj, pa poliski runoj.
- 142) Ūzuls dundurs divpadsmīt zorim, ikkotrā zorā četri perekli, ikkotrā perekli septeini bārni, ikkotram bārnām pa vōrdam.
- 143) Kas kreit nu kolna i nanūzasyt?
- 144) Kas staigoj bez kōjom, skrīn bez spōrnim i navar jō nikas apturāt?
- 145) Vucyns vierša vādarā.
- 146) Āj, mōseņ, pa vīnu ceļu, as — pa ūtru i sazatiksim iz kolna.
- 147) Gultys vairōk žāl na gulātōja.
- 148) Dzierd, ka cārt, nadzierd, ka kreit.
- 149) Symts symtā, trejs groši jumtā.
- 150) Ludzā molku cārt, Rēzeknī skaidys lāc.
- 151) Nadzeivs skaistōks par dzeivu.
- 152) Symts kumieleņu vīnā pavadenī.
- 153) Mežā vysī kūki leidzoni, tikai divi garōki.
- 154) Lels mežš i vysim kūkim škalti goly.
- 155) Malns i mozs kienená nazabeist.
- 156) Mini munu mynamū, kas guļ dūbis dybynā.
- 157) Nu kolna ai pierstu var nūvált, iz kolna ai symts zyrgim navar izvált.
- 158) Kas it iz golvys bazneicā?
- 159) Nūit, atit, apzagrīzīt navar.
- 160) Nu kō navar izbāgt?
- 161) Ni lūgu, ni durovu, pylna bazneica ļaužu.
- 162) Blusa zūsi izperāja.
- 163) Moza, moza ustabená, škindeļu jumtenš.
- 164) Galis zors ai dzeļža atspaidim.
- 165) Septeini veiri ustobā, a Pīterš pi durovom stōv.
- 166) Pylns sīts ziernu, ōbulš vydā.
- 167) Augsts noms ploti vōrti, symtu symtim lūdzeņu, kas tur iit, tys

vairs ōrā nateik.

168) Pylna klietš boltu vadžu.

169) Dīva šķiersts bez vōka.

170) Ūtram kūž, patš klīdz.

171) Kū vysys lītys šudiņ dora?

172) Tāvam malns kažuks zaļom syksnom.

173) Lels, gars vara tylts, trejs zalta pučis viersā.

174) Kas dora raudys bez gaudom?

175) Kaidai lītai nav ni īsōkuma, ni gola?

176) Kas pūra vydā ni pyust, ni pelej?

177) Dīnu i nakti ciert, a skaidys nalāc.

178) Kūks sād, kūkā, vysta rūkā, kurs īt cauri, tam pa vystai.

179) Vard kai rubuļš, a na rubuļš, rogs iz pīris.

180) Zam vīnys capuris četri brōli stōv.

181) Vylks ai spōrnim pa gaisu skrīn, vuškys rej.

182) Mārgu izvad, krāslys palīk.

183) Opols, cīts, vydā gords.

184) Divi gradzyni, divi goly, vydā naglenā.

185) Kō navar vadzī pakōrt?

186) Kod atjem, tod vairōk, kod dalīk, tod mozōk.

187) Gali iz Reigu vad, a kaulu i suni naād.

188) Grīžās, grīžās, izagrīž kōktā.

189) Izplietš muti zvaigznis skaita.

190) Pīci klāvi, vīnys durovys.

191) Žyds iz vīnys slīcis brauc.

192) Mōtā kai pyunā, bārni, kai odotys.

193) Pi ceļmenā divi rudmīseitis aug.

194) Vōczāmis ōzeitš iz trejom kōjeņom.

195) Meža piersti sakrystōti.

196) Patš īt laukā, ūlys pamat traukā.

197) Īt bez kōjom, syt bez rūkom.

198) Krauklis krāc, meži leikst.

199) Zyrgs skrīn, oda stōv.

200) Kas jaunōks pasaulī?

201) Divi brōleiši pa vīnu stidzeni skrīn, vīns ūtra narādž.

202) Patš tīvs, golvā pūds.

203) Kas bez rauga aug?

204) Atskrīn putyns nu Vōczámis atsamat kūkā i dziđ pa franciski.

205) Drupona koktā, vacs vecelš loktā.

206) Paklōj pologu, pīber zierņu, izlik peirāgu ai roгим.

207) Cyuku stidzená pa ustobu.

208) Kas zam golda tys kungam, kas iz golda tys cyukom.

209) Zyrgs klāvā, ástá gaisā.

210) Žogota mīstā, ástá ōrā.

211) Kas īt zīmu ustobā naradzams.

212) Iz kolna solna, ni ai ciervi izcieršt, ni ai mītu izlauzt.

213) Gailš loktā, kōjis zámī.

214) Sorkons kačeitš pa laipeni tak.

215) Kungs sād pili bez lugu, bez durovu.

216) Kačeitš iz vacumu, nogi iz osumu.

217) Zalta pučá cītumā.

218) Kōjis saļ, golva dag, durovys rádž, ōrā navar izīt.

219) Kas par vysu dreizōks?

220) As nu zámis izaudzš tūmar vysus apgierbš, keizarus i kieneņus, taipať ari ubogus.

221) Pa guni īt — nadag, pa iudini īt — nasleikst: pa lopom īt — načaukst.

222) Zyla moza pa piļsātu skraida, vysus ļaudš puškoj.

223) Jám tū vāzu, tei nav vāza, siestīs krāslā, tys nav krāslys, áj pa ceļu, tys nav ceļš.

224) Vyss kars spylvynūs, keizars iz akminá.

225) Ni rūku, ni mutis īt i runoj.

226) Krīva vucyns deveinōs ōdōs.

227) Palāka vuškená koponu brīn.

- 228) Četri veiti, pīkts peits, sasts dzeivs.
- 229) Augstōks par pili, zamōks par rogovom.
- 230) Divi mōsenis svīstu gļauda.
- 231) Teirums bolts, sākla malna.
- 232) Seši gaļdeni vara, septeitis sudobra.
- 233) Leikst, čekst, klīdz kai veirs, vysim dzierdāt, vīnam
saprast.
- 234) Zalta komuļš mieslinī.
- 235) Smukōks plyks par apgierbtū.
- 236) Divi mōsenis zīpōs mozgojās.
- 237) Tīvs i gars, zalta pūga golā.
- 238) Pa prišku bārni dzymst, tod mōtá.
- 239) Mežā daudzi puiškineņu, vysim boltys capureitis.
- 240) Pylns klievenš sorkonu cyuceņu.
- 241) Valna oka bez dybyna.
- 242) Ai kōjom myn, aiz motu plieš, a mutis dūd.
- 243) Reitā staigoj iz četrom kōjom, pušdīņōs iz divejom i vokorā iz
trejom.
- 244) Malns suneitš guļ sazagrīzš.
- 245) Pōrsissi kaulu, dabōsi sudobru, pōrsissi sudobru dabōsi zaltu.
- 246) Drupona koktā.
- 247) Gara, gara mārğa, da zámái pūgys.
- 248) Atīt gons bez zūbim, prosa galis bez kaulym.
- 249) Maun pa iudini nasleikst, aprokts zámī napyust.
- 250) Trokīs Jōņš teiri plyks.
- 251) Sunš aiz grādys.
- 252) Nu Vidzemis atīt nūzakrota, nūzapurynoj mūsīm jōs
spolvys jōsalosa.
- 253) Mozs, mozs putinenš skrīn pa gaisu i soka: Dīveņ,
Dīveņ, vysur muns dorbs dag!”
- 254) Boltō cyucená car sātu lūžņoj.
- 255) Mārğa ōrā, bizá ustobā.

- 256) Vidzemis maitinā, divi zeida bizeitis.
257) Vysi sovi ustobā, cyts cyta napazeist.
258) Patš narādž, ūtram rōda.
259) Māms i kurls, a skaitu vad.
260) Zīmu i vosor vīnā krōsā.
- 261) Vīns lej, ūtrs dzer, trešs aug.
262) Bez rūkom kloudzynoj, bez gunš dag.
263) Kas ād sīnu ai trejim zūbim.
264) Īt, dabasu narādž, golvys augši naceļ.
265) Kō navar pōrškāļt?
266) Lōcš brīn pa pūru, mugora mierkst, kōjis sausys.
267) Pylns klievenš boltu vuškeņu.
268) Stōv vāza, vāzys golā moza gaļvenā.
269) Duņ kai viersš, skrīn, kai putyns, a na putyns.
270) Īt iz pierti malns, izīt sorkons.
271) Kas prūt vysys volūdys?
272) Mozs veirenš, oss, oss ciergeitš.
273) Garastā mōtā, opoly bārni.
274) Ni rūku, ni kōju; tá beja, tá nav.
275) Pa prišku Īt kungs, tod voits, pec žyds nu pakalis.
276) Moza skaista jumpravenā, aiz stykla sād,
277) Pošam nav, cytam dūd.
278) Rej, rej suneitš i aizkreit aiz vōrtim.
279) Tāvs lels, mōtā plota, maita okla, dāls troks.
280) Guļ „g”, atīt „v”, pajem „t”, celās „g” nav „t”.
- 281) Malna gūvš nīdris lauza.
282) Bolta pileitā, sorkoni atspaidi.
283) Zaļš kai ūzuls, opols kai sauleitā, ásteitā kai páleitái.
284) Zaļš zīmu, zaļš vosor, ni lopu lopoj, ni zoru zoroj.
285) Divi čyuli vīna zōbokā doncoj.
286) Bez cierva, bez rūkom ustabeni sataisa.
287) Vysi vylki škārsu, divi viņ garum.

- 288) Braucu, braucu — slīdis nav, cārtu, cārtu — skaidu nav.
- 289) Samsons ai iuzom, Madalá ai mici, Pauļuks plyks.
- 290) Dīnnakti īt, da dybynam navar daīt.
- 291) Zyrgs zvīdz, gunš mutī.
- 292) Turīs bez rūkom, īt bez kōjom, kas īt, tys jem aiz apaklis.
- 293) Nakustams, a kust.
- 294) Saiminīks kolpa raud.
- 295) Brauc na ai zyrgu, cārt na ai pōtogu, svīž na ai kaulym, giun, a na suni.
- 296) Leidaka iz leidakys, tauki vydā.
- 297) Tāvs gubernats, dali trokuli, máita garastá.
- 298) Navaineigs, a pakōrts.
- 299) Kas naskrīn pret kolnu?
- 300) Bolta pļova, malni lūpi, vajag gudra ganeitōja.
- 301) Ni kūks, ni cylvāks, a prōta dīzgon.
- 302) Akminá kōjis, kūku vādars, cysu capurá iz golvys.
- 303) Zīmu ād, vosor gul, mīsa sylta, a ašná nav.
- 304) Mozs, mozs ezerenš, vysapleik zvejnīceni.
- 305) Vosor kažukā, zīmu kraklā.
- 306) Pierç, nažāloj, bīš jaukōk brauk.
- 307) Tyukstūšom brōļu sasīts i pi mōtis pastateits.
- 308) Gons vušku napazeist, vuškys gonu pazeist.
- 309) Vīna pagalá divejūs cepļūs dag.
- 310) Sasīn kai zagli, mīļoj kai sirdi.
- 311) Kas zīmu i vosor vīnā kraklā?
- 312) Dveini brōli zam vīnys capuris.
- 313) Kas augstōks mežā, skaistōks dabasūs?
- 314) Bolts pologs pa ustobu.
- 315) Vylks skrīn, meži gōžās.
- 316) Mozs, mozs zirdzenš, dīnnakti jōjams.
- 317) Lūkōs, mynōs, navar paīt.
- 318) Kas trukšom pīškā skrīt navar?

319) Lyni vuškā.

320) Vīnu eceižu pīci zyrgi valk.

321) Mozs lelu syt, lels moza naaizteik.

322) Nu iudinā dzymst i iudinī beidzās.

323) Taidš vōrds mežā, taidš sātā.

324) Bez rūkom, bez kōjom — vysu pasauli apīt.

325) Trūpenš iz trūpenā, kača ástá viersā.

326) Stūps sadag — ni ūgļu, ni palnu.

327) Atīt gaška, apād gostu.

328) Pakōrts sasītu syt.

329) Ai vīnu slūtu divi cepļus slauka.

330) Pīci vierši ai vīnu orklu ar.

331) Viersš klāvā, rogi ōrā.

532) Tāvs kūka, mōtá dzeļža, mozi, mozi bārni, vysī ašná dzārōji.

333) Vosor kažukā, zīmu kraklā.

334) Mutá ir, zūbu nav.

335) Veirs īt pa lauku, rogs iz mugorys.

336) Moza, moza mōsenā symts dalderu mugorā.

337) Divi mōsys: vīna bolta, ūtra zalá; kod vīna īt, tod ūtra bāg.

338) Rudinī dzimš, vosorā audzš.

339) Lels, lels pyurs, kotrugod jauns vōks.

340) Sausa áglá, skaists zīds.

341) Cytam kūž, poša klīdz.

342) Puika ād, — kū vairōk ād, tū vairōk priškā rōdōs.

343) Vīna dalá zámī, ūtra iudinī, treša saulī.

344) Īt dīnu, īt nakti, a dzymtōs vītys nikod nadaīt.

345) Škārsu īt bazneicā.

346) Kam řaizī dag mīsa i dvāselá?

347) Kas pi golda vysim vajdzeigs?

348) Opolá, moza, i vysim vajdzeiga.

- 349) Kaidi zūbi ni kūž, ni ād?
- 350) Četrdesmit čyganu vīnā zyrgā sād,
351) Nu pīcom bolkom sātu taisa.
352) Tāva bucená nu īškys steipōta.
353) Stykla pilš, kūka atslāga.
354) Atskrīn putyns bez spōrnim, atsamat iz mīta bez kōjom.
355) Atskrīn gaspaža apād vysu bez zūbim.
356) Trokulš kumelš atspriekleņ doncoj.
357) Kas ai razgali iz viersu aug?
358) Kungs sād kolna molā, kas īt tam kūž.
359) Zylā pļovā, daudzi boltu gūteņu, divi goni: vīns zalta,
ūtrs sudobra.
360) Kukaženā laikaženā kūkā kōpá ūlu dātu.
- 361) Trokulá pilš iz četrom atspaidom.
- 362) Buca dzīd — dzārōji kluš.
- 363) Kuceitá rej, zūbeni bierst.
- 364) Lōčam kulda sōnūs.
- 365) Mōtá kai gorūza, bārni kai šlokōni.
- 366) Kaspars sād kolnā, vistená rūkā, kurs daīt tam — pa vistenái.
- 367) Dyuņōts azars, zveiņōtys molys.
- 368) Sorkona bļūdená, bolta tapená.
- 369) Galis zōrds, dzeļža atspaidi.
- 370) Kūka reja, vara vōrti.
371) Kō nav bazneicā?
372) Kū vairōk jem, tū lelōks taisōs.
373) Svīsta cyba zam klietš.
374) Aiz meža ierzeli rāc, iz sātu naīt.
375) Symtā jōju, symtā brauču, vīns izgaisa i tō meklieju.
376) Palovys dōrgōkys par maizi.
377) Aizāds zam golda.
378) Trokulš zyrgs garom kōjom.
379) Susla sād kōktā, adžagōns azarā.

380) Augstōks kolns par mežu.

381) Paipola skrīn, vyss mežš leigojās.

382) Čoceitá krōsneiti kraun.

383) Diveji veiri bādōja, kai jīm b̄yš pōrdzeivōt̄ zīmu: vīnam jōlein
snīga koponā, ūtram kūka sárdī.

384) Suslys sād̄ kolnā, kas suslu aiztikš, tys patš suslōš.

385) Gailš dūbī, a sákstá ōrā.

386) Lels moza napanas.

387) Moza, moza klietená symts orūdeņu.

388) Divejis škilenis, divejis muldinis, putyna knybyns i kotla
dybyns.

389) Vysapleik lūgi, vīnys durovys, īit var, izīt navar.

390) Kluss, kluss suneitš aprej vysu sātu.

391) Pārņ kungs braucá, šūgod slīdis var pazeiņ.

392) Nu kaida trauka navar ni āst̄, ni dzárt̄?

393) Pylns klāvs malnu zyrgu vysim apmotōtys kausys.

394) Ōdu nūplieš, plyks iz mežu aizskrīn.

395) Lōčš brīn, ladi skaņ.

396) Mozs, mozs veirenš, izplietš kryutš, kara gaida.

397) Divi škilys, divi silis, kotla dybyns, krauklá daguns.

398) Škārs-garum kauly, vydā mīsa cauri speid̄.

399) Ni apleik apīt, ni pōri pōrīt.

400) Golva mierkst, sirdš kolst, kōjis saļ, paīt navar.

401) Spolvu pyks — na putyns, četrys kōjis — na zvierš, laikim i
dvāselá ir īškā.

402) Malna gūvš iz greidys vōļojās.

403) Symtacš vīnu aci dzonoj.

404) Kur tu teci, lūku-lūks, a kas táv bādys, pacierpeņ?

405) Īit upī apzamiercej, izīt ōrā navar.

406) Ni sāts, ni laistams, vysim pateikams.

407) Veirs klīdz, veirs sauc, galis gobols iz golvys.

408) Vīnā baļvā divaidys maizis.

- 409) Malna zorna da pyušlám.
- 410) Jumpravenis tymsā kambarī capureitis šyun.
411) Ūzula dieleitš pūrā īsvīsts.
412) Divi mōsenis: vīna vīnā kaļnená pusī, ūtra ūtrā, obejis sazakōvušys.
413) Sorkona lōpsta dūbis dybynā.
414) Palāka vylnaineitá pylna boltu pūgu.
415) Golvu atgrīž, sirdi izjem, dūd dzárt, sōc runōt.
416) Kod vyss pasaulš raudōja?
417) Zeilá brīdi tur.
418) Kas tys taidš, kas soka: „znūt, znūt, kūm, kūm”?
419) Syly dag, pasilis sprakšt, ka tu, brōleit, b̄ytu nanūmirš, as dzeivs napalyktu.
420) Sasukōta mārge vedieja gaida.
- 421) Bucená nu iškys ai steipeņom izsteipōta.
- 422) Ustobā četri, ōrā ostoinī, a par vysu četri viņ.
- 423) Kas kūkā kōp ūlu dātu, kubulā izperej i pa ustobu izvodoj?
- 424) Seši gaļdeni vara, septeits sudobra.
- 425) Tāvs vāļ nādzimš, dāls jau karā.
- 426) Vucyns koktā, sokys koklā.
- 427) Zyrgs zvīdz, gunš mutī.
- 428) Navaineigs, a pakōrts.
- 429) Vysapleik tauki, vydā kūka sirdš.
- 430) Vōczāmī zyrgu pierku, šajā zāmī grūžus veju.
431) Dzārvis klīdz patiļtī.
432) Upá tak, krosti kust.
433) Mōja ai pīcim kambarim, iit̄ iškā var, apzagrīz̄t navar.
434) Jōnš Ontonam aci izdyurá.
435) Cyts kreit, cyts karās.
436) Vysta kaš, nogi dylst.
437) Augstā kolnā rūža zīd.
438) Kolps saiminīku nūguļ.

439) Dvēseleitá iz četrom važeņom karinej.

440) Pīci vierši ai vīnu orklu ar.

441) Atšīpš zūbus, kryumā sād.

442) Cōlá golva statenī.

443) Iz vactāva ustabenis pakōrts maizis gabalenš, suni rej, dabōt
navar.

444) Teirums naizmiereits, vuškys nasaskaiteitys, gons ai roгим.

445) Pa kaidu ceļu pušgoda braukoj, pušgoda staigoj?

446) Putyns ai spōrnim, a naskrīn; bez kōjom, a staigoj.

447) Kas ai bōrzdu dzymst?

448) Atmiņ munu mynamū, kō nav šajā zámī.

449) Sorkons vierseits, bolta gaļvená.

450) Stōv stūps, iz stūpa calms, iz calma mežš, pa mežu gūtenis
staigoj.

451) Tak, kai spūleitá, ni zvierš, ni putyns, ni akmiņš, ni
iudiņš.

452) Actenis, kai eņgelám, a nogi, kai valnam.

453) Dūdu dzárķ — dzer; paprosu — atdūd.

454) Kod skrīn, tod gaudoj, kod atsasāst, tod zámī rūk.

455) Reigā zvanej, pi mýsim dzierd.

456) Mozs, mozs suneits, vysu mōji sorgoj.

457) Ai spōrnim sytās, aizskrīķ navar.

458) Kam pa prišku bārni, kai mōtá?

459) Mozs, mozs suneits, a stypri kūž.

460) Bolta gūvš vairōk apād par malnu.

461) Zyrga ačš sīnā.

462) Gara máita streipainim lyndrakim stōv celá molā.

463) Vokorā bogots, dīnu nabogs.

464) Gars tāvs, gara mōtá, daudzi bārnu i cyts par cytu augstōks.

465) Vīna mōsená malna, ōtra bolta, kod bolta atī, tod malna bāg.

466) Vīna ačš gaisā verās.

467) Bryugons īt pa prišku, pec bryutá, a valns pakaļ.

- 468) Mozs, mozs puiseiņš sād, zalā krieslenī.
- 469) Kas mōk vysys volūdys?
- 470) Mīsa iškā, kauly ōrā.
- 471) Kas ād dzeļzi?
- 472) Kam ir dzeļža mālā?
- 473) Kas ai vīnu rūku sīnu pļāun, ai ūtru tivleņ skaudzi mat?
- 474) Jau seņ gotova, a kotru vokoru teik taiseita.
- 475) Kōjis stōv, golva īt.
- 476) Saiminīks dzīd bez grōmotys.
- 477) Mutá ir, zūbu nav.
- 478) Rindži grīžās i ryuc.
- 479) Ni vīns navar pasacāņ, kas as asmu, tikai as patá.
- 480) Začeiņš sād kaļnenī, palāks kažuks mugorā.
- 481) Vīns īt, symtim-tyukstūšom kreit.
- 482) Pōri pōriņ var, apiņ navar.
- 483) Mozs, mozs jierenš pīcys kōjis.
- 484) Šmurgulš ai vīnu ausi.
- 485) Zalá cyucená, sorkoni sivienteni.
- 486) Zyla gūvš staigoj, zaļu zōli āsdama.
- 487) Pylns ceplis bārza molkys, vīna patá eļkšná škila.
- 488) Bolta koza ladu grauž.
- 489) Viņ godu vacs i tai saveciejš, ka nikam vairs nav vajdzeigs.
- 490) Vysim maná vajag, a na vairōk kai vīnu řaizi.
- 491) Ai kōjom myn, ai rūkom spīž, nu vieja ir dzeiveiba, nu kūka vysi bỹšona.
- 492) Suku, suku, rullu, rullu, desmit kōju, trejs vādari.
- 493) Vīns soka: atīš reits — dabōšu āšņ; ūtrs soka: atīš vokors — dabōšu gulāņ, trešis soka: taida maņ dīna, taida maņ i naktš — kas tī taidi?
- 494) Tupu, tupu, tupuleit; karu, karu, karuleit, tūmar dazagōja tupuleišam pazaklanāņ karuleišam.
- 495) Divi mīti, iz tīm mītim buca, iz bucys komulš, iz komulá

mežš.

496) Kaliejs kaļ dabasūs, ūglis bierst Daugovā.

497) Mozs veirenš leikom kōjom, zali svōrki mugorā.

498) Kūka putyns, lynu spōrni, kanēpu dzeislys.

499) Trejs kōjis, sešys acš, tupu sovu myužu nūdzeivoj.

500) Pylns klāvs vuškeņu, vysys guļ bez lipēnom.

Meikļu atminiejami

1. Atbaļšš. 2. Bitš. 3. Grōmota. 4. Verstu stūps. 5. Kōpustu golva. 6. Vabalá. 7. Ūla. 8. Statens. 9. Gunš. 10. Teļš.

11. Sunš. 12. Kanepá. 13. Zūbi. 14. Ūbulš. 15. Svácá. 16. Veizá. 17. Gods. 18. Samavarš. 19. Ūla. 20. Ūla.

21. Golds. 22. Mōjis. 23. Ustoba i ļaudš. 24. Spylvyns. 25. Azars i ceļš. 26. Sīnu pļauņ. 27. Auž audaklu. 28. Prusaks. 29. Rūkys. 30. Rūkā ols glōzá, mīsa i dvāselá.

31. Bazmāns. 32. Sīnu pļauņ i izkapti tacynoņ. 33. Golva. 34. Lizeika bļūdā. 35. Mads. 36. Acš. 37. Ūbulneica i ūbuli. 38. Rotu skrytuli. 39. Veizá. 40. Blisá.

41. Ols, putys, kubuls. 42. Kūdeli spriež. 43. Spičkys. 44. Kūplys. 45. Spolva. 46. Odamōs odotys. 47. Snīgs i zōlá. 48. Ciervš aiz jūstys. 49. Avišku ūga. 50. Molka, ūglis.

51. Cukris. 52. Orklys. 53. Vōrna. 54. Pōrneica. 55. Zyrgs. 56. Spriež i tyn komuli. 57. Ceplis, gunš i dyumi. 58. Lūgs. 59. Nedelis dīnys. 60. Maļšona.

61. Ūds. 62. Bazmāns. 63. Drabenis i ols. 64. Batviņš. 65. Odota. 66. Bazneica. 67. Soltums i lads. 68. Sīts. 69. Zyrga kōjis. 70. Laiva.

71. Komonys, roti i zyrgs. 72. Molka ceplī. 73. Ceplis. 74. Pādi. 75. Ausš. 76. Seipuls. 77. Acš. 78. Vysta. 79. Durovys i stenderi. 80. Īmauts zyrgs.

81. Muižys teirums bez ežom. 82. Sprygulš. 83. Gradzyns iz piersta. 84. Leits. 85. Akmiņš, iudiņš, zōlá. 86. Okys kōšš. 87. Gaviņš. 88. Krāslys. 89. Pridá, áglá i paáglá. 90. Saulá riņ.

91. Pakšš iz akminá. 92. Kopi. 93. Gods. 94. Rugōji. 95. Putyna spolvys. 96. Leits. 97. Snīgs. 98. Ratenš. 99. Dzārviņu ūga. 100. Sierpš.

101. Grīsti. 102. Noglys papīdi. 103. Styklys. 104. Pakši. 105. Škierba. 106. Stygys. 107. Dyumi, škūrstyns. 108. Kūka sárdá, 109. Viezš. 110. Slūta.

111. Kōši. 112. Stunđiniņks. 113. Grāku. 114. Rīksts. 115. Saulá. 116. Ruduks. 117. Spolvys. 118. Kvāpi. 119. Bazmāns. 120. Slicis.

121. Zvaigznis i mienesniņks. 122. Dabasi. 123. Naktš. 124. Rūka. 125. Mīrs. 126. Izkaptš. 127. Orklys i eceiža. 128. Pūds iz gunš. 129. Sīts. 130. Vōrna.

131. Ūds. 132. Kakaža. 133. Šyupelš. 134. Cylvāks i jō vōrds. 135. Pierti. 136. Sīna skaudzá. 137. Ustobys bolkys. 138. Molkys blučš. 139. Vabalá. 140. Žogota.

141. Orklys. 142. Gods, mienesi, nedelis i dīnys. 143. Iudiņš. 144. Bolss. 145. Záčá zōbokā. 146. Jūsta. 147. Skoborga, iskriejusá rūkā. 148. Vušku cierpšona. 149. Mogona. 150. Nauda.

151. Viezš. 152. Stateni. 153. Spaná ūsys. 154. Cyukys sari. 155. Blusa. 156. Milis. 157. Komulš. 158. Noglys. 159. Durovys. 160. Nu susātiva.

161. Ogürçş. 162. Kõpustu golva. 163. Mogona. 164. Zyrgu pokovi. 165. Maizá ceplí ai dzáslonu. 166. Zvaigznis i mienesnīks. 167. Teiklys. 168. Zūbi mutī. 169. Zámá. 170. Zvõdžş.

171. Palík vacõkys. 172. Teirums ai ežom. 173. Trejs lelõkī svātki godā. 174. Seipuls. 175. Gradzynam. 176. Mälá. 177. Stuņdinīks. 178. Dodzş. 179. Žyds. 180. Golda kõjis.

181. Garastá giun bitş. 182. Calms mežā. 183. Rīksts. 184. Škāris. 185. Ūlys. 186. Caurums. 187. Spali. 188. Slūta. 189. Stateni. 190. Cymdi pierstinīki.

191. Rejis lūdzenš. 192. Áglá. 193. Ausş pi golvys. 194. Ratenš. 195. Ustoba. 196. Vysta. 197. Stuņdinīks. 198. Bazneickungs mõceibu dūd. 199. Iudinş zam lada. 200. Dīna.

201. Acş. 202. Bazmāns. 203. Vylna. 204. Izkaptş. 205. Ceplis i gulātõjs. 206. Gaiss, zvaigznis i mienesnīks. 207. Vaiņuks. 208. Zam sīta mylty. 209. Dyumi 210. Atslāga.

211. Soltums. 212. Plešs. 213. Zvona stryči. 214. Gunş pa skolu. 215. Cõlş ūlā. 216. Slūta. 217. Gunş ceplī. 218. Durovys, stenderi. 219. Prõts. 220. Lyni.

221. Susātivs. 222. Odota. 223. Čyuska, skudru pyulinş i styga. 224. Mõja. 225. Stuņdinīks. 226. Seipuls. 227. Dziernovys. 228. Bārns, auklys i şyupelş. 229. Snīgs. 230 Slīcis i snīgs.

231. Grõmota. 232. Nedelis dīnys. 233. Bārns, mõtá, şyupelş. 234. Sunş. 235. Izslauceita ustoba. 236. Rogovys. 237. Lyni. 238. Skaudzá. 239. Verstu stūps. 240. Ūgļis ceplī.

241. Gradzyns. 242. Spriež kūdeli. 243. Cylvāks. 244. Atslāga. 245. Ūla. 246. Ceplis. 247. Apeini. 248. Bārns. 249. Ūglá. 250. Ūbulş.

251. Sliksnis. 252. Izkaptş. 253. Bitş i svācis. 254. Colonka. 255. Saulá spīž ustobā. 256. Bezdeleiga. 257. Pādi. 258. Verstu stūps. 259. Verstu stūps. 260. Pridá i áglá.

261. Leits, zámá i zõlá. 262. Pārkiunş i zibinş. 263. Sokumi. 264. Cyuka. 265. Moti. 266. Goldu mozgoj. 267. Zūbi. 268. Mogona. 269. Vabalá. 270. Viezş.

271. Atbaļşş. 272. Bitş. 273. Lõpsta i kukuli. 274. Zivş aizskrīn pa iudini. 275. Skols, gunş i ūglá. 276. Lampys gunş. 277. Bazneickungs i lauleiba. 278. Mälá. 279. Dīvs, gaisma, nakts, viejs. 280. Gons, vylks i teļş.

281. Ciervş. 282. Gulþş. 283. Rõcinş. 284. Aši. 285. Pīsta. 286. Putyns i pereklis. 287. Grīsti i sejis. 288. Laiva ai ierklim. 289. Rīksts, čaula i kūduls. 290. Durovys.

291. Blisá. 292. Durovys. 293. Stuņdinīks. 294. Mõja jumta raud. 295. Zvejnīks. 296. Sīna. 297. Kuls, spryguli, slūta. 298. Ūbulş. 299. Upá. 300. Grõmota.

301. Grõmota 302. Mõja. 303. Ceplis. 304. Bļūda. 305. Zierni. 306. Zvons. 307. Kiuli.

308. Bazneickungs. 309. Asš skrytuļūs. 310. Mozs bārns.
311. Áglá. 312. Stots. 313. Saulá. 314. Dyumi. 315. Izkaptš. 316. Sliksnis.
317. Ratenš. 318. Začš. 319. Keša sveitā. 320. Grebinš.
321. Puika i zyrgs. 322. Sōļš. 323. Īva. 324. Nauda. 325. Nīdrá. 326. Svácá. 327. Leiti
apād snīgu. 328. Spryguļš kiulūš. 329. Gūvš, mālā i nōšš. 330. Piersti.
331. Ceplis i škūrstyns. 332. Blisá. 333. Mežš. 334. Ceplis. 335. Sunš. 336
Zivš. 337. Zīma i pavasarš. 338. Rudzi. 339. Iudīnš. 340. Gaviens i Leldīnā.
341. Izkaptš. 342. Puika i rīksti. 343. Mīts, īdzeits iudīnī. 344. Laiva. 345. Bārnu
nas. 346. Svácái. 347. Mutá. 348. Nauda. 349. Grebiná. 350. Grīsti.
351. Zači oda. 352. Oka. 353. Butelá. 354. Snīgs. 355. Snīgs ai sauli. 356.
Šyupelš. 357. Lataka. 358. Dodzš. 359. Dabasi, zvaigznis, mienesnīks i
saulá. 360. Apeini.
361. Šyupelš. 362. Cyuka ai syvānim. 363. Paiseklis. 364. Ceplá dūbá. 365. Lōpsta i
kukuli. 366. Dodzš. 367. Vaiņuks iz golvys. 368. Aviškys. 369. Kausteits zyrgs. 370.
Kūklá.
371. Ceplá. 372. Dūbá. 373. Gūvš tesminš. 374. Vylki. 375. Audaklys. 376.
Vosks i mads. 377. Zivš zam lada. 378. Šyupelš. 379. Seipuls, viezš. 380.
Maizá aug.
381. Vuškai vylna. 382. Vysta ūlys diej. 383. Rudzi i bitš. 384. Seipuls. 385. Batvinš.
386. Korstys ūglis. 387. Mogonys. 388. Rīksts. 389. Venterš. 390. Atslāga.
391. Vogys. 392. Nu tukša. 393. Rejis sōrts. 394. Vuška. 395. Laiva. 396.
Ceplis. 397. Ūzula zeilá. 398. Lūgs. 399. Susātivs. 400. Ceplis.
401. Gulta. 402. Blusa. 403. Pierstinīks. 404. Upá i pļova. 405. Iudīnā patmalis. 406.
Mads. 407. Gailš. 408. Ūla. 409. Styga iz oku. 410. Bitš.
411. Mālá. 412. Spōris. 413. Mālá. 414. Dabasi i zvaigznis. 415. Kūka
stabulá. 416. Kod Odums ai Īvu tyka izdzeiti nu paradīzis. 417. Atslāga. 418.
Ūds. 419. Vaidūs karaveirs, ileidš nūsautā zyrgā. 420. Lynu pyks.
421. Oka. 422. Kokti i pakši. 423. Apeini. 424. Nedelá. 425. Dyumi pi saušonys. 426.
Orklys i zyrgs. 427. Blisá. 428. Stunđinīks. 429. Sodly, voi sokys. 430. Ratenš.
431. Auzys, sabārtys ceplī. 432. Zyrgs i grūži. 433. Cymdi-pierstinīki. 434.
Atslāga i atslāgys caurums. 435. Kvāpi. 436. Slūta. 437. Saulá. 438. Īlōps.
439. Bārns šyupelī. 440. Rokstamō spolva.
411. Rīksts. 442. Peipá zūbūs. 443. Mienesnīks. 444. Dabasi, zvaigznis i
mienesnīks. 445. Pa upi. 446. Laiva. 447. Ōzš. 448. Akminám rūku i kōju. 449. Ols
glōzi. 450. Cylvāks.
451. Saulá. 452. Rūža. 453. Buca. 454. Vabalá. 455. Viestulá. 156. Atslāga.
457. Vieja patmalis. 458. Skudrai. 459. Skudra. 460. Zīma i vosora.
461. Bolkys zors. 462. Verstu stūps. 463. Vadzš. 464. Trapis. 165. Zīma i vosora.
466. Oka. 467. Skols, gunš i ūglá. 468. Rīksts. 469. Atbaļšš. 470. Viezš.

471. Ryusš. 472. Zvonam. 473. Vušku cierp. 474. Gulta. 475. Ratenš. 476. Gailš. 477. Ceplis. 478. Dziernovys. 479. Mutá. 480. Akmiņš.
481. Sīnu pļāun. 482. Ceļš. 483. Cymds. 484. Kipš. 485. Áglá ai cierkūžim. 486. Izkaptš. 487. Mutá, zūbi, málá. 488. Saulá. 489. Kalendarš. 490. Kopi.
491. Varganis. 492. Eceitōjs ai divejim zyrgim. 493. Golds, durovys, lūgs.
494. Kačš i galá. 495. Cylvāks. 496. Pārkiuņš i zibiņš. 497. Sisinš. 498. Laiva, ziegelš, stryči. 499. Pokovs. 500. Maizá ceplī.